

續名醫類案

九



續名醫類案卷二十二

錢塘魏之琇編集

蠱

有人行蠱毒以病人。若欲知其姓名者。以敗鼓皮燒作末。飲服方寸匕。須臾自呼蠱家姓名。可語之。令呼

喚將去則愈。治之亦有方。醫學綱目

干寶外姊夫蔣士先得疾下血。言中蠱。家人密以蘘荷置其席下。士先忽大笑曰。蠱我者張小也。乃收小

小至。并令解之。士先獲瘳。世以此物為治蠱之良方。蘘音穰。蘘荷草名。本草無本草通志略出閩欄

梅師方云。凡中蠱毒。或下血如鵝肝。或吐血。或心腹切痛。如有物咬。不即治之。食人五臟即死。欲知是蠱

但令病人吐水。沈者是。浮者非也。用敗鼓皮燒灰。服方寸匕。須臾自呼蠱主姓名。本草綱目


夷方有蠱毒之害。須袖中嘗帶當歸。遇飲食訖。即咀嚼少許。若有毒。則即時嘔吐。無不安然矣。嗽石開談

生甘草五錢。煎汁半杯。溫飲之。入咽即吐。初中蠱毒。入腹未久。其蟲未生。得吐即出矣。如恐未盡。再煎五

錢服之。加麻黃半盞更妙。

食不輟醋。蠱不入肚。又肘後方云。馬兜鈴藤能逐蠱。從小便出。用至十兩。水一斗。酒二升。煮三升。分三服。

不瘥更服。上人呼為三百兩銀藥。



海昌王士雄孟英同校
定州楊照藻素園



北京中医药大学图书馆藏

大蜘蛛一個。研爛。生蜂蜜半盞和服。蠱畏蜘蛛。故用蜘蛛治蠱。而蜘蛛有毒。又用蜂蜜製之。此方獨治金蠱。

蠱毒在上。則服升麻吐之。在腹。服鬱金下之。或合升麻鬱金服之。不吐即下。李侍郎靈初為雷郡推官。鞠

獄得此方。活人甚多。范石湖集

新州郡境有藥人。呼為吉財。解諸毒及蠱。神用無比。昔人有嘗至雷州途中遇毒。而貌頗異。自謂即斃。得吉財數寸飲之。一吐而愈。俗云。昔有遇毒者。其奴吉財得是藥。因以奴名。名之實草根也。類芍藥。凡人遇毒。夜中潛取二三寸。或剉或磨。少加甘草。詰旦煎飲之。得吐即愈。俗傳將服是藥。不欲顯言。故云。覆取。或云。昔有里媼病蠱。其子為小胥。邑宰命以吉財飲之。暮乃具藥。及旦其母謂曰。吾夢人告我。若飲是且死。亟去之。即仆于地。其子又告縣尹。縣尹固令飲之。果愈。豈中蠱者。亦有神若二堅哉。投荒雜錄吉利草。類石斛。根類芍藥。吳黃武中李俱以罪徙合浦。入境遇蠱。其奴吉利。取此草解之。遂以為名。即前也

常撫軍安己酉歲。秉鉞西臬。讞案有為蠱斃命者。獄已定。因檢卷閱之。緣養蠱婦女。覘富室貿易遠歸。知其必攜財。倩隣媼詣其家。初作問候狀。後乘機藏蠱于指。彈之立斃。事主疑而執之。送諸官。究得其實。據供婦女初嫁時。已隨附十九蠱。嫁後與伊夫又害六人。復增至二十五蠱矣。其所害六人。施察出確

證者三挖土得尸骸者二其一卽犯事之家予怪之而未信次日提婦女復親鞫之歷歷不諱因令呈所養蠱視之出初一竹筒空然無所有女稟法堂聽政之所邪祟不敢入必咒祭司戶而後可如之則果現乃蠕蠕赤蠱耳遂令以足踐踏之泥水吏曰却未滅令婦女呼之蠱仍在筒中依然如前數於是訪所以絕之法用石函入蠱蟲封以印紙投于江蠱乃滅蓋蠱之爲害甚毒有謂刺蝟能捕蠱蟲使無遺匿殊不知蠱之爲類不一其最毒者雖刀斷石碎火焚土埋而蠱依然不滅依附婦女中人立死死後財物爲蠱搬運以利養蠱者每害一人則增一蠱或云其人被害魄卽附而爲蠱宜遊筆記雄按雖非醫案足廣見聞

陳自明云兩廣山谷間有草曰胡蔓又曰斷腸亦有感蛇毒致生惡菌名爲定年藥有淫婦與北人交好者別時陰以藥置飲食中仍解之曰子必某時來若依期而至彼復以藥解之若過期不往必死故謂之定年藥如服神仙追毒丸一粒其病卽瘥五倍子三兩山茨菰二兩麝香三錢千金子去油一兩紅芽大戟一兩半各爲末用糯米煮濃飲爲丸分爲四十粒每服一粒用井花水或薄荷湯磨服利一二次用粥止之此丸能解一切毒一名太乙丹紫金丹一名神仙太乙丹一名玉樞丹又名神仙解毒萬病丹宜於端午重陽七夕合之須潔淨之所尤忌一切冲犯雄案胡蔓又名野葛又名雷公藤浙東亦婆每聞輕生者服之輒死獄訟頻興禁之不止似比定年藥之毒尤烈也蛇草殺人亦速恐蟲藥非此二物所造然皆可以玉樞丹救之

諸蟲

賈誼新書云。楚惠王食寒菹得蛭。恐監食當死。遂吞之。腹有疾而不能食。令尹曰。天道無親。唯德是輔。王有仁德。病不爲傷。王病果愈。王充論衡云。蛭乃食血之蟲。楚王殆有積血之病。故食蛭而病愈也。陶宏景曰。楚王食寒菹見蛭。食之果能去結積。雖曰陰祐。亦是物性兼然。本草綱目

唐時京盛醫人吳元禎治一婦人。從夫南京還。曾誤食一蟲。常疑之。由是致疾。頻治不減。請吳醫之。吳揣知所患。乃擇主人婢嫻中謹密一人。預戒之曰。今以藥探吐。以盆盂盛之。當吐時。但言有一小蝦蟆走去。然切不可令病人知之。是誑給也。嫻僕如約。此疾頃除。北夢瑣言

元載不飲酒。人強之。辭以鼻聞酒氣卽醉。人謂可治。取針挑載鼻尖。出一小青蟲。曰此酒魔也。聞酒卽畏之。去此無患。是日載酒一斗。五日倍之。清賞錄

孫兆治向大王宮中有一宮人。七太尉所寵也。忽患一疾。凡惡心。則吐蟲數條。後乃頻作。七太尉甚怒之。累治不瘥。每用殺蟲藥。則吐蟲愈多。諸藥殆遍。召孫診之。孫曰。六脈皆細。非蟲脈也。今雖吐出。乃臟寒而蟲不安。移居上牖。因而吐出。復用殺蟲之藥。爲藥所苦。不能自安。所以吐出愈多也。孫遂用藥。不三五錢。皆一色丸子。蟲遂不吐。明日再召孫至。六脈漸大。進前藥。其病不作。後求方。乃硫黃附子各一兩。並末糯米糊爲丸。每三十丸。米飲下。綱目此張景岳治蟲用溫臟丸之藍本也。但大寒大熱蟲俱不安。亦未可執一。



寶材治一婦人病腹脹諸藥不效令解腹視之其皮黃色光如鏡面乃蟯瘕也先炙牛肉一片令食後用生麻油調輕粉五分服之取下下蟯蟲一合如線如鬚狀後服安蟲散而愈。

張子和曰汴梁諸匠氏有木匠趙作頭鐵匠杜作頭行次失路迷至大宅乞宿主人不納曰家中有人重病不敢納君杜作頭給曰此趙公乃汴梁太醫之家今蒙上司見召迷路至此蓋病者當愈而遇此公也主人然而入良久復出將邀二人入室與之食已三人起請曰煩太醫看病何如趙見而笑曰一藥可愈二人竊議曰來時所攜熟藥寄他車上此中實無奈何杜曰此甚易耳潛出門得牛糞一塊作三十粒下以溫水少頃病人覺胸中如蟲行一涌而出狀若小蟯蛭一二升以手探之又約一升頓覺病去明日主人出謝曰百歲老人未嘗見此神效之藥也禮餞二人遂歸此二子小人也欲苟一時之宿吐法耳

周漢卿治武城人病胃痛奮擲乞死漢卿納藥於鼻俄噴赤蟲寸許口眼悉具痛旋止。

明史

鍾大延治一僧嗜鹽每食斤許眾醫雖知爲蟲然服藥輒痛悶欲絕大延曰是蟲不受藥也當有以餌之。

以鹽筍乾用藥煮仍加以鹽令服越數日果嘔蟲數斤許而愈。

寧波府志 雄案此則誘之以所好也治疾病皆宜如此而治蟲尤宜

李明甫東陽人善醫尤妙針法義烏令病心痛垂死明甫視之曰有蟲在肺下藥所不及惟砭乃可然非易也謬謂於背上點穴密取水以嚙之令方驚而針已入曰蟲已死矣既而腹大痛下黑水數升蟲亦

去遂愈。

兩浙名賢錄

尹蓬頭者。傳稱騎鐵鶴仙。蓋異人也。一貴人閨女弱病。形容俱變。醫人束手。無藥可愈。母鍾愛不能捨。偶邀視之。曰。有癆蟲。尙可醫。請用何藥。曰。藥力不能治。只消與我同宿一夜便好也。母信其仙術。決無戲言。白之於父。父大怒云。胡說。豈有公侯家女。與一風道士同宿之理。後見女殊無生意。母又涕泣言之。懇切不已。從之。尹令紙糊一室。室不許留孔。設一榻。不用障。令女去其衾衣。用手摩足心。極熱如火。抵女陰戶。東西而睡。戒女云。喉中有蟲出。可急叫我。女不能合眼。而尹鼻息如雷。天將明。女報蟲從口中飛出。尹四顧覓之不見。曰。從何處鑽去。不能除根。定要害一人也。蓋乳母不放心。因開一孔窺之。蟲出女口。已入乳母之腹也。天明父母視之。女之顏色已變。尹大笑而去。後數月。女方擇壻。而乳母死矣。續金陵瑣事

馮益齋給練。每發言。腹中輒有聲應之。此應聲蟲病也。遂告病。卜居南京。楊守極用小藍煎飲之。卽吐出

其蟲。

續金陵瑣事

郭茂倩嫂金華君。產七日不食。始言頭痛。頭痛已。又心痛作。旣而目睛痛。如割如刺。更作更止。相去無瞬息間。每頭痛甚。欲取大石壓。良久漸定。心痛作。則以十指抓壁。血流滿掌。痛定目復痛。又以兩手自剜取之。如是十日不已。眾醫無計。進黑龍丹半粒。疾少間。中夜再服下。瞑目寢如平昔。至平旦下一行。約

三升許。如蝗蟲子。疾減半。已刻。又行如前。則霍然頓愈矣。綱目

孫文垣治一婦人。心痛唇紅。痛則大發。熱頭痛。少頃出汗。脈大小不一。蟲曰。此蟲痛之證。痛吐白沫。可徵

也。凡心腹痛而唇紅吐白沫者。多屬蟲證。檳榔川椒各二錢。杏仁一錢五分。石菖蒲一錢。烏梅七個。多炮薑草豆仁陳皮

各五分。山梔一錢。一劑。痛減半。再服。痛全愈。

閔蜃樓乃政。體肥性躁。患痛風。手不能櫛沐。足不能步履。痛處略腫。呻吟喊叫。此風木生蟲也。凡治七越月不減。

孫診之曰。濕痰凝滯。經絡作痛。也猜醫作血虛。投以補劑。宜其不愈。乃用二陳湯加烏藥。葉蒼朮。殭蠶

海桐皮。南星。服至六帖。遂不肯藥。強之曰。醫以療痛。今反加痛。吾何藥焉。時已申刻。知其驕蹇性成。亦

不再強。改以芫花醋炒過三分。海金沙一錢為末。白湯調下。仿更衣丸意。至晚瀉一次。下稠痰半盞。足痛減

大半。稍能動止。初更後。忽腹中大痛。促進診。行至後堂。家人出曰。病者卒矣。曰。此必痛厥。非竟死也。證

者不可不知。且視之。至則冷汗淋漓。兀坐溺器。面青息斷。診之手冷如冰。六脈俱在。但沈伏耳。知為痛極。使

然用薑湯灌之。乃甦。徐語侍女。適來腹中痛甚。火氣迸出。肛門如焚。大響一聲。不知瀉下何物。視之。乃

血鱗一條。長六寸餘。鱗目悉具。尚能游動。眾問如何。曰。此虬物也。得下幸耳。但此劑實為行痰。初不知

其有蟲如是。蓋芫花乃殺蟲之品。故偶中亦疾人之福也。次日。手足皆能動。仍以二陳湯加芫仁紅花

五加皮。四帖脫然。雄按病變萬端。病機百出。天下事莫難於醫。

葉潤齋年近四十。心膈嘈雜。好啖肉。尤好啖鷄。一日不可缺。缺卽身浮力倦。神魂無措。必急得乃大嚼入腹。腹又大痛。痛極則吐酸水稠涎。然後稍定。少頃。又思啖矣。其痛苦之態。喊叫之聲。聞見酸鼻。而被則甘心焉。或勸其勿啖肉。謂久病脾虛。肉入難化。故作楚也。曰。吾豈不知。蓋痛甚苦。尙能熬。若嘈雜則遍身淫淫。蘇蘇。左右無可奈何。手足無所把握。頃刻不能自存。有逾于死也。孫診之。六脈大小不等。觀其色。唇紅面黃。曰。據色脈。乃蟲病也。先與雄黃丸一服。以膩粉五分。史君子末一錢。用鷄子打餅。五更空心飼之。方可錄辰下長蟻十條。內有二者。長尺有咫。自首貫尾皆紅。下午又下小蟲百餘。自此不嗜肉。而嘈雜良愈。

龔子才治一婦。年四旬。心胃刺痛。時痛時止。蟲不思飲食。食卽吐。手足厥冷。胸中痞悶。口乾作渴。曰。此胃中有蟲也。以二陳湯加檳榔。枳實。烏梅。花椒。黑薑。苦楝根皮。生薑。煎一服。下蟲一大碗而愈。

孫一奎在吳下時。有吳生譚震者。博雅士也。一日偶談及鼓脹。吳乃詰予曰。鼓有蟲否乎。予卒不敢應。俛思久之。對曰。或有之。本事方云。臍腹四肢悉腫者爲水。只腹脹而四肢不腫者爲蠱。注曰。蠱卽鼓脹也。由是參之。古人曾以鼓蠱同名矣。且蠱以三虫爲首。豈無首哉。蓋鼓脹卽今云氣虛中滿是也。以其外堅中空。有似於鼓。故以名之。彼蠱證者。中實有物。積聚既久。理或有之。吳曰。子誠敏也。予堂嫂病鼓三載。腹大如箕。時或脹痛。四肢瘦削。三吳名醫。歷嘗不瘳。吳俗死者多用火葬。燒至腹忽響聲如礮。人皆

駭然。乃見蟲從腹中爆出。高三丈許。燒所之天爲昏。俄而墜地。細視之。皆虺也。不下千萬數。大者長尺餘。蟲腹中復生小蟲。多者十五六條。蟲在人腹中。蕃息如此。曷不令人脹而死哉。惜諸書未有言及者。予後至淮陰。有王卿官者。其子年十六。新娶後。腹脹大。按之有塊。形如稍瓜。發熱晝夜不退。已半年矣。醫惟以發熱消脹之劑投之。其脹愈甚。喉中兩耳俱瘡。診其脈滑數。望其唇則紅。其腹則痛。又多嗜肥甘。腹痛而唇紅好。因思凡腹痛者。唇色必淡。不嗜飲食。今其若此。得非蟲乎。遂與阿魏積氣丸服之。不啖者皆屬蟲。腹者皆屬蟲蟲數十大者數條。小者亦三四條。蟲下則熱漸減。腹漸消。三下而愈。益信前聞之不虛也。景岳全書雄按前條龔氏案不思飲食亦蟲證也。病情變幻莫執一端。

李士材治侯諫。腹中嘈痛。按其左肱。手不可近。凡飲食到口。喉間若有一物接之者。然曰。脈大而數。腹痛嘔涎。面色痿黃。此虛而有濕。濕熱相兼。蟲乃生焉。當用人參湯送檳榔丸。以下蟲積。蟲若不去。雖服補湯。竟何益乎。病家畏謹之甚。不敢輕投。終莫能起。何不改用平善殺蟲之劑。

張達公三年久嗽。服藥無效。委命待盡。姑乞診之。問曰。飢時胸中痛否。曰。大痛。視其上唇。白點如糝者十餘處。此蟲嚙其肺也。用百部膏一味。加烏梅檳榔與服。不十日而痛若失。欬頓止。令其家人從淨桶中覓之。有寸白蟲四十餘條。自此永不復發。立齋案云。上唇白點蟲蝕。上部下唇白點蟲蝕。下部

王海藏云。有楊時者。因患風氣衝心。飲食吐逆。遍身枯瘦。曰。服萬病紫苑丸。至二十日。瀉出肉塊蝦蟆五

六枚。白膿二升。愈。又趙侍郎先食後吐。目無所見。耳無所聞。亦服萬病紫苑丸。瀉出青蛇五七條。下惡膿三四升方愈。紫苑丸卽厚朴丸。加羌活獨活防風是也。厚朴蜀椒川烏頭紫苑吳茱萸菖蒲柴胡枳梗茯苓官桂皂角乾薑人參黃連巴豆霜。雄案必有其實。證據始可投之。

益昌伶人劉清嘯。昵一娼。名曰花翠。年逾笄。病好食生米。否則終日不樂。至憔悴萎黃。不思飲食。惠民局監趙尹。用蒼朮米泔水浸一夜。剉焙爲末。蒸餅丸梧子大。每服五十丸。食前米飲下。日三服。兩旬而愈。蓋生米留滯腸胃。受濕則穀不磨。至生蟲。蒼朮能去濕溫消穀也。楊氏藏經驗本草綱目

戴元禮奉太祖命。往治燕王患瘕。見他醫所用藥良。是念何以不效。乃問王何嗜。曰嗜生芹。元禮曰得之矣。投一劑。夜暴下。皆細蝗也。明史

葛可久治一人患腹痛。脈之。謂其家曰。腹有肉龜。視熟寐。吾針之。勿令患者知。知則龜藏矣。患者問故。家人誑曰。醫云。寒氣凝結。多飲醇酒自散矣。患者喜。引觴劇飲。沉酣而臥。家人亟報葛。以針刺其患處。病者驚寤。俾以藥餌。須臾有物下。儼如龜形。厥首有穴。蓋針所中也。病遂愈。黃日升蓬窗類記。雄案俟而知其爲龜一鍼而恰中龜首。未免神其說矣。

杭州府通判王某。河間人。病腹脹。服藥不效。夢人語云。鬼瘵。藜可治。王覓取煎飲。飲之痛不可忍。俄頃洞泄。迸出一蟲。長丈餘。尋愈。覽餘漫抄



山野人好嚙虱。在腹生蟲。爲虱癰。用敗梳敗篋各一枚。各破作兩分。以一分燒研。以一分用水五升。煮取一升。調服。卽下出。

張路玉曰。近有女子。效逆腹痛。後忽喜呼。初是呀呷連聲。漸至呬唔不已。變易不常。或如母雞聲。或如水蛙鳴。或如舟人打號。每作數十聲。日發十餘次。忍之則胸中悶悶不安。此爲呬蟲。卽應聲蟲之類也。復有一人。忽發熱痞滿。後常兀兀欲吐。吐中必有蟲數枚。狀如蝦形。跳躍不已。諸治不應。或令服銅綠。涌之。不過二三度。遂絕。不復見矣。

黃履素曰。人陰毛中生虱。名八角子。貼伏毛根。最癢惱人。相傳此蟲不醫。延及頭髮眉毛。其人當死。治法以生銀杏搗爛。敷合毛上。隔宿其蟲盡死。有少年曾患此。此法神效。有友爲予言。生此蟲者。運會將否之兆。予患此之後。抱病十餘年。備嘗苦楚。其言果驗。

蟲之類能入耳者。不獨蚰蜒。凡蟲皆然。有人患腦痛。爲蟲所食。或教以桃葉作枕。一夕蟲從鼻出。形如蟻嘴。人莫能識其名。豚齋聞見

有人患脚瘡。冬月頓然無事。夏月臭爛。痛不可言。遇一道人云。爾因行草上。惹蛇交遺。瘡中有蛇兒。冬伏夏出故也。以生蝦蟆搗傳之。日三換。凡三日。一小蛇自瘡中出。以鐵鉗取之。其病遂愈。撫青集說

至順辛未上埠一婦人。就山林中採筍歸。覺手粘如飴。一時不暇洗盥。旣剝筍殼。又以齒嚙之。由是成癰。

中國醫藥大學圖書館藏

產蛇而死。蓋受蛇遺之毒也。靜齋至正
直記孔行素

張子和治酒官楊仲臣。病心氣痛。此人常好飲酒。初飲三二杯。必奔走跛懶兩足。三五十次。其酒稍散。方能復席。飲至前量。一醉必五七次。至明嘔青黃水。數日後變魚腥臭。六七日始安。張曰。宜涌。乃吐蟲一條。赤黃色。長六七寸。口目鼻皆全。兩目膜。狀如蛇類。以鹽醃乾示人。

張子和曰。予昔過夏邑。西有婦人病脹如鼓。飲食不進。乍退寒熱更作。而時嘔吐。且三年矣。巫覡符咒。無所不至。惟俟一死。時十月農隙。田夫聚獵。一犬殺死。磔於大樹根盤。遺腥在其上。病婦偶至樹根。頓覺昏憤。眩瞽不知人。枕於根側。口中蟲出。其狀如蛇。口眼皆具。以舌舐其遺腥。其人驚見長蛇。兩袖裹其手。按蟲頭極力出之。且二尺餘。重幾斤。剖而視之。以示諸人。其婦遂愈。蟲亦無名。此正與華元化治法同。亦偶中吐法耳。

小校畢聯元。偃師人。忽得奇疾。左股痛不可忍。呻吟累日。有僧詣門乞食。問其所苦。曰。此肉鰻也。早治可活。今病深矣。因刺其膝。出小蛇十餘條。僧持之。後逾數日。蛇復涌出。竟死焉。三岡識略

陸肖愚治陳曙光患飢。必食肉方解。否則遍腹淫走。身體如在空中。每食肉。初一臠。必滿心如箭攢作痛。至數臠方定。少則頻飢。多則不能尅化。而作瀉。醫治半年。肌削骨立。脈之六部皆弱而浮沉。大小遲數不等。面黃而帶青紋。曰。此患蟲也。可立拯之。令購史君子肉半斤。猪精肉半斤同煮。俟肉極熟。去史君

子入臘粉一錢。令連汁頓食之。初食亦如箭攢。食後半日不飢。至五更下盆許。皆蟲有全者。有半爛者。間有活動者。宿疾頓除。乃以參苓白朮等調理。禁其一年勿食肉。遂全安。

浦南一人。少時每向溪邊執蚌。三旬外。患腸痛。痛時幾不欲生。發必三四日。偶一僧過其門。聞其叫號。出藥七丸。大如菜子。用白湯送下。少頃。下蟲二三十。作紅白色。其形如蚌。旋愈。後二年死。雲間雜誌無名氏

薛立齋治一男子。患腹痛。熱則痛甚。諸藥不應。半年後。腹加腫脹。面色痿黃。診其脈不洪滑。非癰也。詢之云。始于渴甚。俯飲澗水。意其誤吞水蛭。而然。令取河泥爲丸。空心用水送下百丸。果下水蛭而愈。又一子。因跌溝中。腹作痛。服積驚等藥不應。亦依前證療之。

一婦人于壁上取鷄翎卷耳。適蜈蚣生子在翎上。帶入耳中。生小蜈蚣。穿腦內。且癢。百藥莫效。夢神人傳一方。令炒雞肉熱置一器內。留一小孔。蓋上。令病者以耳受之。鷄氣熏入。蜈蚣悉攢雞肉上。其病乃立愈。廣筆誌

錢國賓治周氏子業儒。年二十。脚掌常腫。生黃泡數十。水出即愈。及昏厥之證。不時常發。偶家宴。忽然仆地。延診。按諸經脈不動。獨腎濡數。或亂或靜。因思濡生濕也。數主熱也。亂主蟲動也。靜蟲伏也。脚掌生瘡。屬腎也。是腎經濕熱生蟲。蟲氣上攻昏厥。以雄黃丸。巴霜鬱金大黃各五分。煉蜜爲丸。漿豆大。雄黃爲衣。薑湯送十五丸。以薑湯再灌。蟲化如膠黑汁。解于露地數堆。後用冷米湯補之。恐防再舉。又食樗

子一二升。遂不復發。

濟甯店主女年十八。勞病三載。體瘦神昏。疾日重矣。視其形神憔悴。眼露光芒。六脈雜亂。細問起居。女曰。腹中常隱隱痛。喜食糖果。及看面生白點。方知是蟲也。非勞也。與雄黃丸十粒。檳榔湯送下。至午不動。又催五丸。腹中大響。下蟲百餘。形如土蠶。上有魚鱗。下有黑嘴。四足能動。此女昏暈半日。方醒。飲以薄粥。用人參當歸檳榔紫蘇赤茯苓各一錢。丁香五個。烏梅一個。數服除蟲之根。又以調理方而別案。

茗中唐國學子。年十八。骨立修長。而乏肌肉。面白筋青。小腹近脇微痛。醫莫知其證。脈乍長乍短。蟲之候也。筋青暴露。肝之病也。小腹近脇。肝之地也。遂知肝內濕熱生蟲。薄蝕久矣。以煨存性肥阜一兩。蘆薈一錢。共研爲細末。每日糖湯調下一錢。蝕蟲受藥。便於露地。日日一堆。蟲化膠厚青苔。二十五日蟲盡。服參耆歸朮收功。兩月身體大壯。同上

蔣仲芳曰。姚軼指婦年二十餘。骨蒸潮熱。乾欬口乾。百治無效。遇一方士曰。肺中有蟲。今當盛夏。正可引出。卽用童子雞一隻。去毛雜煮熟。貯漆盤中。以盤蓋半開半閉。俟病者睡著。以半開處置病人鼻邊。覺來。卽將盤蓋蓋緊。侵晨用水一大桶。置盤中。揭開視其雞上。小蟲有翅者二三百。卽傾在長流水中。第二夜用雞引之。又去蟲七八十。蟲盡而病愈。至今無恙。予意雞喜食蟲。故蟲亦喜食雞。正如蜈蚣與雞相仇之意。煮熟者取其香。盛夏則蟲四散。睡著不動。則蟲聞香易出。付之長流水者。欲其去而永不來。

也。後試他人亦驗。然其要處不可令病人先知。恐蟲亦知而避去耳。

王宇泰曰。汪仲嘉謂余曰。公知王節齋所以死乎。曰。不知也。汪曰。節齋為四川參政時。得心腹痛疾。醫療之。百方不效。日甚一日。聞峨眉有道者善醫。然不可致也。節齋親至山。屏輿從。徒步詣之。道者望見。即驚曰。病深矣。既坐。問公於服餌。有生用氣血之物。焙製未徹者乎。曰。有之。常服補陰丸。數十年矣。中用龜甲酒炙而入之。曰。是矣。宜亟歸。屈其指曰。猶可將及家也。節齋遽投檄歸。至吳閭。輒便下赤色小龜無數。是夕卒於舟中。王曰。本草稱龜甲所主。大率破癥瘕。已瘡痔陰蝕漏下赤白。不言補心腎。服之反有害。醫暇危言程雲來雄按龜鼈甲等但宜入煎劑如入丸須熬膠代蜜用始無弊也

虬證

孫文垣治馬迪菴內人。原以飲食過傷。又為風寒外襲。或以內傷外感治之。致五更發熱。盛於陽分唇燥。胸中

衝跳不已。手足皆冷。熱厥脈兩寸俱滑數。寸盛是火。上衝。曰。此奇痰證也。杜撰。以小陷胸湯加白芍。蘿蔔子。前胡。酒

苓二帖。次早大便行。下虬蟲八條。却不見。胸中即不衝跳。但覺力怯。再診之。兩寸減半。尺脈稍起。以二

陳湯加白芍。酒苓調理。後四帖。加當歸全愈。雄按伏痰挾火上衝。而胸中跳動者。亦有其證。余嘗治蔣

痰其論未可厚非。虬按此由發熱過散。則擾動其火。上衝胸跳。虬亦不安而動。輒以小陷胸湯投之。則黃連

之苦寒能降火。薤仁之甘寒能清火。枳實之峻削能攻下。病去厥止。虬亦從而下。其力怯。良由攻之

猛耳。非真有奇痰為病也。孫君生平專以痰揣病。其不經處。類多如此。雄按。虬因熱動。以致胸跳熱降。虬下則病自安。孫君之治。固為

幸中魏氏之評亦有未當

張景岳治王氏少婦。年未二旬。素喜瓜果生冷。常病心腹痛。每發必數日不食。後數年。發必吐。吐初吐尚

少。既而日多。每吐必一二十條。每發必旬日不食。醫者但知攻蟲。旋去旋有。百藥不瘳。察其脈證。因知

其傷於生冷。致脾胃虛寒。陰濕氣聚。故為是證。使不溫胃養脾。以杜寒濕生化之源。蟲去復生。終無濟

也。乃製溫臟丸與之。藥未完而病愈。後仍耽生冷果。舊病復作。與前藥而安。原注。凡治蟲之法。但察以溫

補脾胃為主。雄按。議論超卓。然因於熱者較多也。

中毒

唐崔鉉鎮渚宮。有富商船居。中夜暴亡。追曉氣猶未絕。隣房有武陵醫工梁新聞之。乃與診視曰。此乃食

毒也。三兩日中曾外食耶。僕夫曰。主翁少出訪。亦不食於他人。梁曰。尋常嗜食何物。僕夫曰。好食竹雞。

曰。竹雞喫半夏。必半夏毒也。命搗薑振汁。折齒而灌。由是而甦。崔聞而異之。召至乃安慰稱獎。資以僕

馬。勸入京。致書於朝士。聲大振。仕至尚藥奉御。有一朝士詣之。梁曰。何不早見示。風疾已深。請速歸處

置家事。委順而已。朝士聞而慌。遽告退。策馬而歸。時有鄆州馬醫趙鄂者。新到京都。於通衢自榜姓名

云。工醫術。此朝士下馬告之。趙亦言疾危。與梁生之說同。謂曰。卽有一法。請官人急喫消梨。不限多少。

